

Na osnovu člana 72. Zakona o javnim nabavkama BiH (Sl.glasnik BiH 39/14) a nakon provedenog Otvorenog postupka za nabavke usluge: „ **Usluga opravke pretvarača napona SATRA LOT 3600** “, sa sukcesivnom isporukom usluge za potrebe, KJKP GRADSKI SAOBRAĆAJ D.O.O. SARAJEVO, zaključuje se:

OKVIRNI SPORAZUM O NABAVCI USLUGE: „ Usluga opravke pretvarača napona SATRA LOT 3600 “

Između:

1. KJKP GRADSKI SAOBRAĆAJ D.O.O. SARAJEVO, ul. Srđana Aleksića br.1, koga zastupa V.D. Generalni direktor Mr. sci. Almir Ahmetpahić, s jedne strane /u daljem tekstu: Ugovorni organ /
2. ProcessControl d.o.o. Sarajevo, ul.Topal Osman paše 18A, Reg. br. UF/I 2069/99 Kantonalni sud Sarajevo, ID BR. 4200320490000, PDV BR. 200320490000 ,TR. RN. BR.161000002100061 kod Raiffeisen bank d.d., koga zastupa Zijad Mustafić- direktor, s druge strane (u daljem tekstu:vršilac usluge).

Član 1.

Ovim Okvirnim sporazumom ugovorene strane regulišu okvirna pitanja vezana za realizaciju nabavke usluge: „ **Usluga opravke pretvarača napona SATRA LOT 3600** “ .

Član 2.

Predmet ovog Okvirnog sporazuma je sukcesivna nabavka usluge: „ Usluga opravke pretvarača napona SATRA LOT 3600 “ od dobavljača „ ProcessControl „ d.o.o. Sarajevo, kojem je dodjeljen Okvirni sporazum Odlukom Ugovornog organa o izboru najpovoljnijeg ponuđača broj: 04/318 od 12.8.2020 god., a koji je proveden po Otvorenom postupku, objavljen na Portalu javnih nabavki dana 27.5.2020 god., a dodatno obavještenje o nabavci u “ Sl.glasniku BiH “ broj 30/20 od 29.5.2020 god.

Član 3.

Vršilac usluge se obavezuje da će Ugovornom organu izvršiti uslugu iz člana 1 ovog Sporazuma, pod uslovima i jediničnoj cijeni kao što je naznačeno Anexu 3 – Tehnički podaci i elementi ponude koji čini njegov sastavni dio a koji je u prilogu ovog sporazuma.

Vrijednost nabavke usluge po ovom Okvirnom sporazumu iznosi: **139.885,00 KM bez PDV-a, odnosno 163.665,45 KM sa PDV-om** za period od jedne godine od dana potpisivanja Okvirnog Sporazuma.

Način i uslovi plaćanja: **60 dana od dana izvršenja usluge.**

Član 4.

Obim usluge naveden u prilogu ovog sporazuma nije obavezujući za Ugovorni organ, tako da isti zadržava pravo na promjenu obima i nabavku samo onog obima koji mu je potreban. Okvirni sporazum se zaključuje na period od jedne godine od potpisivanja Okvirnog sporazuma, odnosno maksimalne finansijske vrijednosti okvirnog sporazuma navedene u članu 3 stav (2.) Sporazuma.

Član 5.

Vršilac se obavezuje da će uslugu izvršiti Ugovornom organu u roku od **120 dana** po prijemu narudbenice za izvršenje usluge. Vršilac će izvršavati a Ugovorni organ preuzimati ugovorenu uslugu prema dispoziciji Ugovornog organa, a na temelju narudžbenice za određenu vrstu i obima usluge.

Član 6.

Kvalitet usluge mora odgovarati važećim propisima o kvalitetu usluge u BiH. Vršilac daje garanciju za izvršenu uslugu od **12 mjeseci** od dana izvršenja usluge. Vršilac se obavezuje izvršavati uslugu kvaliteta i proizvođača kako je to naveo u obrascu Tehnički elementi ponude. Uz svaku izvršenu uslugu Vršilac se obavezuje dati odgovarajuće ateste ili certifikate ukoliko usluga podliježe atestima i certifikatima. Kvalitativni i kvantitativni prijem usluge iz ovog sporazuma Ugovorni organ se obavezuje obaviti odmah po izvršenju usluge. U slučaju da Ugovorni organ pri izvršenju usluge utvrdi da usluga na bilo koji način ne zadovoljava, za istu će odmah tražiti izvršenje nove u najkraćem mogućem roku. U slučaju da Ugovorni organ naknadno utvrdi razliku u izvršenoj količini ili da kvaliteta ne odgovara Ugovorni organ će sačiniti komisijski zapisnik kojeg će najkasnije u roku od tri dana dostaviti vršiocu radi otklanjanja uočenog nedostatka. Vršilac se obavezuje da ukloni uočeni nedostatak u roku od tri dana po prijemu zapisnika.

Član 7.

Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma. Pojedinačne nabavke odnosno ugovor obavežno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe zakona o obligacionim odnosima.

Član 8.

Vršilac usluge je obavezan, prilikom potpisivanja Okvirnog Sporazuma dostaviti безусловnu bankarsku garanciju naplativu na prvi poziv u iznosu od 10 % od ugovorene vrijednosti Okvirnog Sporazuma sa rokom važnosti od dana zaključivanja Okvirnog sporazuma do isteka važenja ugovora + 30 dana .

Ukoliko Vršilac usluge, u vrijeme potpisivanja sporazuma a najkasnije u roku od 10 dana nakon potpisivanja sporazuma ne dostavi безусловnu bankarsku garanciju iz stava (1.) ovog člana, a sporazum se potpiše, primjenjivat će se odredbe člana 125 Zakona o obligacionim odnosima.

Član 9.

U okviru perioda važenja ovog Okvirnog sporazuma koji je naveden u članu 4. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 10.

Cijene iz ovog Sporazuma su nepromjenjive u toku važenja sporazuma. Prema izjavi vršioca usluge (Izjava je sastavni dio tenderske dokumentacije).

Član 11.

Odredbe ovog Okvirnog sporazuma ne mogu se mijenjati nakon njegovog zaključenja.

Član 12.

Ovaj Okvirni sporazum stupa na snagu nakon potpisivanja obje ugovorne strane. Ukoliko Vršilac usluge ne ispuní uslov vezan za garanciju za dobro izvršenje posla u roku regulisanom u članu 8 sporazuma smatrat će se da ovaj sporazum nije ni zaključen.

Član 13.

Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu.

Član 14.

Ovaj Okvirni sporazum je sačinjen u /4/ primjerka, od kojih ugovorni organ zadržava tri /3/, a vršilac usluge /1/ primjerak .

ZA UGOVORNI ORGAN
V.D. GENERALNI DIREKTOR
Mr. sci. Almir Ahmetspahić

ZA DOBAVLJAČA

DIREKTOR

Zijad Mustafić



Supotpisnik:

Broj: 710-0510-GS/20
Datum: 05.10.2020.

Broj: 12682
Datum: 23-09-2020